


PONUĐA SOFTVERSKOG RJEŠENJA  
ZA **RADNE NALOGE**  
**KOMUNALNOG PREDUZEĆA**



**UMBRELLA**  
**CORPORATION**

## Poštovani,


vođenje evidencije o radnim nalogima bez odgovarajućeg informacionog sistema nosi sa sobom brojne poteškoće. Te poteškoće su, uglavnom, uzrokovane gomilanjem papirne dokumentacije koja je podložna greškama i jako spora za pretraživanje. Osim toga, papirna dokumentacija je skupa za kreiranje i pohranjivanje, podložna neovlaštenom pristupu i izmjenama, kao i nepovratno izgubljena u slučaju uništavanja. Sve ovo dovodi do smanjenja nivoa kvalitete Vaših usluga, te samim tim može imati veliki uticaj na poslovanje organizacije. Bitno je naglasiti i da ovi problemi sve više dolaze do izražaja prilikom razvoja poslovanja i dobijanjem novih klijenata.

Kao rješenje postojećih problema komunalnih preduzeća i unaprjeđenje poslovanja nudimo softversko rješenje koje će omogućiti:

- brzo evidentiranje i izdavanje radnih naloga;
- sistematiziran, hronološki uvid u radne naloge pri čemu je omogućen prikaz izvršenih, neizvršenih, zaključenih i nezaključenih naloga;
- uvid u radne aktivnosti zaposlenika;
- evidenciju utrošenih materijala za određeni period;
- pretragu obavljenih poslova po geografskoj lokaciji;
- kreiranje sedmičnih i mjesečnih izvještaja o poslovanju;
- kreiranje kopija podataka koje bi se koristile u slučajevima njihovog gubljenja ili uništavanja.

Svjesni smo činjenice da na tržištu postoji nekoliko konkurentnih softverskih rješenja koja između ostalog, nude i podršku za radne naloge. Ipak, niti jedno od tih rješenja ne obuhvata sve opcije koje su potrebne za upravljanje radnim nalogima. Vođeni time, predlažemo softversko rješenje koje na efikasan i ljudima intuitivan način pruža podršku svakodnevnim aktivnostima u radu komunalnog preduzeća. Naše rješenje omogućava da izdavanje i upravljanje radnim nalogima bude ugodno, brzo i pouzdano, što je u potpunosti u skladu sa uvjerenjem našeg tima da za svaki problem postoji rješenje koje je elegantno, jednostavno i prilagodljivo korisniku.

U sklopu ove ponude, naš tim kao zainteresirana strana nudi Vama i Vašoj poslovnoj organizaciji jedinstveno softversko rješenje za vođenje evidencije o radnim nalogima čije detaljne karakteristike možete pročitati u nastavku.



UMBRELLA  
CORPORATION

Strana 2



# Šta Vam nudimo?

Informacioni sistem kojeg nudi naša kompanija omogućava Vam da vodite evidenciju o Vašim radnicima, radnim nalogima, te poslu koji su obavili Vaši radnici. Naš informacioni sistem se može prilagoditi da koristi informacije iz već postojećih informacionih sistema ili da prosljeđuje informacije već postojećim informacionim sistema, ali također može raditi i neovisno od drugih informacionih sistema koje Vaša kompanija posjeduje.

**Nudimo Vam sistem koji je potpuno prilagodljiv potrebama Vaše kompanije** tako da sami možete birati koje će komponente sadržavati sistem, a koje ne. To znači da možete izabrati jednostavnu aplikaciju koja će Vam omogućiti kreiranje, štampanje i uvid u arhivu radnih naloga i upravljanje podacima o zaposlenicima. Možete otići i korak dalje i zahtijevati nadogradnju na softverski paket za kreiranje izvještaja ili za evidentiranje opreme koju Vaša kompanija posjeduje, evidentiranje nabavljenog i utrošenog materijala, evidentiranje novčanih transakcija ili čak neku drugu funkcionalnost koja Vam je potrebna!

Naša kompanija ima veliko iskustvo kao i uspješnu karijeru u izgradnji modularnih, fleksibilnih i visoko specijaliziranih softverskih rješenja. Rijetkost je da nudimo gotova softverska rješenja jer smatramo da specijalizirana rješenja, iako inicijalno skuplja, donose mnogo veće uštede, kao i mnogo veći profit od gotovih generičkih proizvoda.

## U svrhu Vašeg budućeg poslovanja Vam nudimo sljedeće:

### MODUL 1 - Modul za upravljanje radnim nalogima, koji Vam omogućava:

- Kreiranje novih radnih naloga, pri čemu su u postojećem rješenju unaprijed definirana određena polja za unos, a na Vaš zahtjev se ona mogu i izmijeniti.
- Štampanje radnih naloga, kako biste radne naloge na što efikasniji način mogli dodijeliti svojim zaposlenicima.
- Pregled podataka o svim radnim nalogima, kako biste imali uvid u sve aktivne, zaključene, stornirane radne naloge, a omogućena Vam je pretraga radnih naloga po svim poljima.

### MODUL 2 - Modul za kreiranje izvještaja:

Ovaj modul Vam omogućava kreiranje izvještaja koji prikazuju sumarne podatke o obavljenom poslu unutar određenog vremenskog razdoblja, po određenim lokacijama, uposlenicima koji su izvršavali radne naloge, a date izvještaje ćemo prilagoditi Vašim potrebama.



### MODUL 3 - Modul za evidenciju zaposlenih:

Ovaj modul Vam omogućava da na brz i efikasan način dobijete informacije o Vašim zaposlenicima. Omogućen je uvid u informacije o zaposlenim, poput datuma rođenja, JMB-a, datuma zaposlenja i sl., kao i uvid u informacije o obavljenom poslu, neizvršenim radnim nalogima i slično.

### MODUL 4 - Modul za evidentiranje opreme i materijala:

Ovaj modul omogućava evidenciju opreme kojom raspolaže Vaša organizacija, kao i evidenciju utrošenog materijala.

### MODUL 5 - Modul za geografske karte:

Povećanju efikasnosti doprinosi i integriranje geografske karte u softversko rješenje, te imate bolji uvid u geografsku poziciju lokacije na koju se odnosi radni nalog.

**Bazni paket** obuhvata module 1 i 2, i čini osnovu, koja se može nadograditi modulom 3, 4 ili 5 (nadogradnja na bazni paket), a moguće je uzeti i full paket, koji obuhvata svih pet modula. Još jednom napominjemo da je moguće postići dogovor oko funkcionalnosti sistema, tj. mogu se ugraditi dodatne funkcionalnosti koje ovdje nisu navedene ili izbaciti neke funkcionalnosti koje su nepotrebne.



## Prednosti i koristi

Upotrebom našeg informacionog sistema imat ćete sljedeće koristi:


- Aplikacija jednostavna i intuitivna za koristiti;
- Brža i efikasnija pretraga radnih naloga;
- Brz uvid u sve podatke relevantne za poslovanje;
- Grupisane informacije na jednom mjestu;
- Zaštita radnih naloga od zloupotrebe neovlaštenih lica;
- Povećana efikasnost radnika;
- Olakšano upravljanje radnicima i radnim nalogima;
- Eliminirana je potreba za skladištenjem papirnih radnih naloga;
- Automatizirano kreiranje izvještaja s ciljem poboljšanja poslovanja;
- Poboljšano geografsko lociranje;
- Olakšano praćenje utroška materijala;
- Ostale prednosti i koristi koje su primjetne, ali ih je nezahvalno nabrajati.

## Cijena i garancija

**Informacioni sistem** možemo implementirati i prilagoditi vašim potrebama za **12 sedmica**. Cijena baznog paketa (moduli 1 i 2) i cijene eventualnih nadogradnji ovog paketa modulima 3, 4 ili 5 su prikazane u tabeli. Cijena informacionog sistema sa svim modulima, dokumentacijom, obukom za korisnike i PDV-om iznosi **10,999.99 KM**.

MODULI 1-5

U cijenu je uključena i obuka Vaših zaposlenika za korištenje modula.



**Garancija** na ovaj informacioni sistem iznosi **6 godina**. Garancija pokriva sve vrste kvarova ili nepravilnosti na informacionom sistemu.

## Puni cjenovnik:



CIJENA



UKLJUČENI MODULI



PAKET

5,000.00 KM

Modul 1 + Modul 2

Bazni paket

2,500.00 KM\*

Modul 3 / Modul 4 / Modul 5

Nadogradnja na Bazni paket


10,999.99 KM

Svi moduli

Full paket

\*Cijena za svaki od navedenih modula.

\*\*Sve cijene su s uračunatim PDV-om.



UMBRELLA  
CORPORATION

Strana 4

## Zašto mi?

Osnovana davne 1968. godine od strane Lorda Oswella E. Spencera sa željom za razvitak u području biotehnologije i napredka ljudskog roda. Nakon razvića našeg svjetski poznatog lijeka za žive rane "Aqua Cure", ciljevi su postavljani više i više. Danas, sa oko 10000 radnika u različitim sektorima, Umbrella Corporation predstavlja nosioca svjetskog tržišta u softverskom inženjeringu.

Naša korporacija se raširila u mnoge grane ekonomije i ljudskih disciplina, pa tako i razvijanja informacionih sistema za komercijalne svrhe. Od 1998. godine postoji posebni ogranak za razvijanje informacionih sistema, koji ima mnoge filijale po svijetu, sa centrom u Racoon City-ju u Sjedinjenim Američkim Državama. Godine 2003. je nastala filijala u Bosni i Hercegovini koja broji sedam stručnjaka specijaliziranih na izgradnju informacionih sistema. Do danas je Umberlla Corp. BiH uspješno završila desetine projekata različitih razmjera.

Sa dugogodišnjim iskustvom u području razvijanja poslovnih programa za kompanije velikih i srednjih razmjera, Umbrella Corp. predstavlja idealnog partnera za rješenje Vaših problema u području birokratije i informatizacije procesa. Mi nudimo najpovoljnije usluge razvijanja specijaliziranih programa u regionu, sa visoko kvalifikovanim osobljem koje je komunikativno, spremno da udovolji Vašim zahtjevima te kvalitetno i pouzdano razvije okruženje za rad Vaših zaposlenika. Sa garantiranom provjerom kvalitete servisa, te mogućnosti obuke Vašeg osoblja sa sistemom, tranzicija ka boljem sutra je lakša nego ikad.

*"Naš sistem za uplatu listića je bio goropadan, i često bi naši uposlenici pravili greške prilikom upisivanja tiketa. Zahvaljući Umbrella Corp.-u danas naši klijenti se mogu da klade brzo i efikasno, a naši uposlenici nisu pod velikim stresom od greške."*

**Mr. Toni Jefer, BetMobil**

*"Zahvaljući kompetentnoj pomoći od strane Umbrella Corp.-a, Wayne Industries je uspjela da poboljša svoj sustav za navođenje automobila i time smanjila stop zločina u Gotham, na čemu sam lično zahvalan."*

**Mr. Bruce Wayne, Wayne Industries**

*"Od kako smo stupili u kontakt sa Umbrella Corp.-om te razvili sistem za radne naloge, dostave i sistem za komunikaciju sa dobavljačima, naša produktivnost je porasla nevjerojatno brzo! Sada više nemamo velikih zastoja od sirovine do isporuke i naši radnici imaju jasan pregled svih svojih obaveza unutar fabrike. Konačno fabrika radi punim pogonom, i to zahvaljući informacionom sistemu iz Umbrella Corp.-a!"*

**Mr. Wily Wonka, Wonka's Chocolate Factory**

*"Naša kompanija je imala velikih problema sa radnim naložima. Naš problem je uspješno riješen zahvaljujući Umbrella corp."*

**Mr. Anthony Edward "Tony" Stark, Stark Industries**



**UMBRELLA  
CORPORATION**